



Broj: JN1-03-16-7-7-20/19
Sarajevo: 7.10.2019.godine

Na osnovu člana 64. stav (1) tačka b), člana 70. i člana 89. Zakona o javnim nabavkama ("Službeni glasnik BiH" broj 39/14) i Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08) na preporuku Komisije za nabavke iz Zapisnika o pregledu i ocjeni ponuda, broj JN1-03-16-7-7-19/19 od 7.10.2019.godine u postupku javne nabavke autoguma za službena vozila Parlamentarne skupštine Bosne i Hercegovine, Kolegij Sekretarijata Parlamentarne skupštine Bosne i Hercegovine, donio je

ODLUKU O IZBORU NAJPOVOLJNIJEG PONUDAČA

I.

Prihvata se preporuka Komisije za nabavke iz Zapisnika o pregledu i ocjeni ponuda broj: JN1-03-16-7-7-19/19 od 7.10.2019.godine i Okvirni sporazum/Ugovor za nabavku autoguma za službena vozila Parlamentarne skupštine Bosne i Hercegovine, dodjeljuje se izabranom ponuđaču EURO DAM-JAS d.o.o. Lukavac, Lukavičkih brigada bb, Lukavac, IDB 4209701970005, za ponuđenu cijenu od 36.224,98 KM sa PDV-om, kao najbolje ocijenjenom.

II.

(1) Izabrani ponuđač dužan je dostaviti dokaz o kvalificiranosti u pogledu lične sposobnosti u roku od 5 (pet) dana od dana prijema obavještenja o izboru najpovoljnije ponude, a prema tački 3. podtačka 3.7. Konkurentskog zahtjeva za dostavu ponuda broj JN1-03-16-7-7-4/19 od 5.7.2019. (u daljem tekstu: tenderska dokumentacija).

(2) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljiv dokaz, ugovor (okvirni sporazum) će se dodijeliti drugorangiranom ponuđaču.

III.

Prijedlog Ugovora o nabavci dostavit će se na potpis izabranom ponuđaču po isteku od pet dana, računajući od dana kada su svi ponuđači obavješteni o izboru najpovoljnije ponude, pod uslovom da žalba nije uložena.

IV.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

V.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke autoguma za službena vozila Parlamentarne skupštine Bosne i Hercegovine broj: JN1-03-16-7-7/19 od 21.5.2019.

Javna nabavke provedena je putem Konkurentskog zahtjeva za dostavu ponuda.

Procijenjena vrijednost javne nabavke je 40.000,00 KM sa uračunatim PDV-om za period od dvije godine.

Obavještenje o nabavci broj: 166-7-1-12-3-12/19, je objavljeno 8.7.2019.godine na Portalu javnih nabavki.

Komisija za javne nabavke imenovana je Rješenjem Kolegija Sekretarijata broj: 03-16-7-1000-4/19 od 17.5.2019.godine.

Komisija za javnu nabavku je dana 5.9.2019.dostavila Kolegiju Sekretarijata Zapisnik o pregledu i ocjeni ponuda, broj: JN1-03-16-7-7-12/19 od 5.9.2019.godine koji istovremeno predstavlja i izvještaj o radu te sadrži preporuku o izboru najpovoljnijeg ponuđača.U postupku ocjene provedenog postupka, Kolegij Sekretarijata nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nanabvku.

Kolegij Sekretarijata Parlamentarne skupštine Bosne i Hercegovine prihvatio je preporuku Komisije za javne nabavke i donio Odluku o izboru najpovoljnijeg ponuđača broj : JN1-03-16-7-7-13/19 od 5.9.2019.godine .

Na naprijed navedenu odluku, ponuđač EURO DAM-JAS d.o.o. Lukavac je uložio žalbu, koja je 13.9.2019.godine proslijeđena na rješavanje Uredu za razmatranje žalbi.

Rješavajući po žalbi ponuđača EURO DAM-JAS d.o.o. Lukavac, Ured za razmatranje žalbi je svojim Rješenjem broj: JH2-01-07-1-2269-5/19 od 25.9.2019.godine usvojio navedenu žalbu i poništio Odluku o izboru najpovoljnijeg ponuđača broj : JN1-03-16-7-7-13/19 od 5.9.2019.godine. U obrazloženju naprijed navedenog rješenja, Ured za razmatranje žalbi je naveo da je prvobitno odabrani ponuđač GUMA M d.o.o. Mostar dostavio katalog za ponudenu gumu Kleber kao ispis sa službene stranice proizvođača u formi slobodnog prijevoda tj. nije dostavljen prevod ovlaštenog sudskog tumača kao što je traženo u tački 4.1. tenderske dokumentacije te da je u dostavljenom katalogu ponuđenih guma, ponuđač Guma M d.o.o. Mostar obilježio ponuđene gume ali katog nije ovjerio pečatom i potpisom u tom dijelu što je suprotno zahtjevu Ugovornog organa iz tačke 4.2. tenderske dokumentacije

Kolegij Sekretarijata je utvrdio da je Komisija za javnu nabavku prihvatila stavove Ureda za razmatranje žalbi iznesene u Rješenju broj: JH2-01-07-1-2269-5/19 od 25.9.2019.godine i ponovo izvršila rangiranje prihvatljivih ponuda na osnovu kriterija utvrđenih u obavještenju o nabavci i tenderskoj dokumentaciji, kako slijedi:

Ponuđač		Cijena sa PDV-om	Rok isporuke i montaže autoguma
		Broj bodova	Broj bodova
1.	EURO DAM-JAS d.o.o. Lukavac - cijena s PDV-om 36.224,98 KM - rok isporuke i montaže autoguma 1 (jedan) dan	66,989	20
2.	TOTAL TRADE d.o.o. Doboj - cijena s PDV-om 40.556,09 KM - rok isporuke i montaže autoguma 1 (jedan) dan	59,835	20

Članovi Komisije za javne nabavke su konstaovali da je ponuđač TOTAL TRADE d.o.o. Doboj dostavio cijenu ponude u iznosu od 40.556,09 KM s PDV-om koja za 556,09 KM premašuje planirana sredstva ugovornog organa za predmetnu nabavku.

	Naziv ponuđača	Ukupan broj bodova	Rang
1.	EURO DAM-JAS d.o.o. Lukavac	86,989	1
2.	TOTAL TRADE d.o.o. Doboj	79,835	2

Shodno navedenom, Komisija za javne nabavke je preporučila Kolegiju Sekretarijata (Zapisnik broj: broj: JN1-03-16-7-7-19/19 od 7.10.2019.godine u prilogu), da u postupku nabavke autoguma za službena vozila Parlamentarne skupštine Bosne i Hercegovine, donese Odluku o dodjeli ugovora ponuđaču EURO DAM-JAS d.o.o. Lukavac, za ponuđenu cijenu od 36.224,98 KM sa PDV-om.

Uzimajući u obzir naprijed navedeno, odlučeno je kao u dispozitivu odluke.

Pravna pouka:

Protiv ove odluke može se izjaviti žalba Ugovornom organu u pisanoj formi direktno ili preporučenom poštanskom pošiljkom u roku od 5 (pet) dana od dana prijema ove odluke u dovoljnom broju primjeraka, koji ne može biti manji od 3 (tri).

Dostavljeno:

1. Guma M d.o.o Mostar, Bišće polje bb, Mostar
2. "EURO DAM – JAS" d.o.o. Lukavac, Lukavičkih brigada bb, Lukavac
3. Total Trade d.o.o. Doboj, Krnjinske srpske brigade 102, Doboj
4. Sektoru za finansije
5. a/a

KOLEGIJ SEKRETARIJATA:

Kenan Vehabović _____
Gordana Živković _____
Marin Vukoja _____